

AGENDRE TRINITATIS

MINGGU 13 SEPTEMBER 2026

1. FANGOWAI BA FOGAONI

(Tedöni dorosi , möi ndra sohalöwö bakha ba gosali, ba lahalö wangahono dödö banua niha Keriso ba wangondrasi ba ba wasumangeta khö Lowalangi).

- Fangowai** :
SA : Ya'ami banua Zo'aya, Ya somuso tödö ba sowuawua tödö ami ba we'amöi föna Keriso ma'ökhö andre. Ma'owai Ami fefu, : Ya'ahowu.
SATO : Ya'ahowu !
SA : Ya faofao khömi Lowalangi...
SATO : Ya fao Khöu Geheha-Nia
Fogaoni :
SA : Da ta'owuawua'ö dödöda wangondrasi Yehowa, da ta'omusoi'ö dödöda ba wamalua fasumangeta khö Lowalangi. Tasuno Ia, manunö ita moroi ba Mbuku Zinunö **numero 29**

29. MASUNOSUNO NDRA' UGÖ 1

do = g 4/4

MM = 96 - 104

1. Masunosuno Ndra' ugö Lowalangi Yehowa.
 Somuso tödö ndra' aga me no khö-U wa' aurima.
 Horö ba fangiwa dödö, fama kao no oi taya.
 Me haga soroi Ndra' ugö gumbu wangorifima.
2. No Öbè wangefa horö no Öbè howuhowu.
 Umbu nidanö aurifa fa' omasi sindruhu.
 Samalua fa' omasi Öbali' ö tana khö-U.
 Ya möi dumaduma khöma wa' omasi nibe' e-U.

2. FANGA'ARO'Ö WA'OWULO (VOTUM)

- SA** : Da tahonogö dödöda ba wariawösa, ba ba wa hasambua khö Lowalangi, (Muzizio zato):
 No owulo ita ba da'e ba döi Lowalangi Ama, ba ba döi nono-Nia Yesu Keriso, ba ba döi Geheha Ni'amoni'ö. Fangorifida ha ba döi Yehowa si no momböi banua si yawa awö danö.....

SATO : YADUHU

- SA** : Ba u'ila Zo'aya, si dadao ba dadaoma sebua, si no alawa: anönö gosali ahe mbaru-Nia, önö gafi zamösana. Dua mbalubalu mbawa ba dua mbalubalu gahe ba dua ba Wehombo. Ba faoma lamane-mane we'ao khö nawöra: Ni'amoni'ö, Ni'amoni'ö, Ni'amoni'ö Yehowa ngahönö andrö; no anönö lakhömi-Nia guli danö ma'asagörö. HALELUYA.....

SA : **Manunö** : BZ. : 452

Haleluya..... Haleluya..... Haleluya.....

SA : Mangandrö ita :

He Yehowa Lowalangi Ama, Ono ba Eheha Ni'amoni'ö. Möiga mangalulu ba wangandrö saohagölö me no Örorogö, Ö'orifi, ba Öbohouniga fa'omasi-Mö andrö. Ma'andrö khö-U, tohugö wa'ebua dödö-U khöma, rorogöga ba ngawalö de'ala, efa'öga ba wanandraigö, rara dödö bangawalö gabula dödö, tundreheni faböi alau ndra'aga. Fatöröga ba zomasi Ndra'ugö irugi gamozua, fa makhamö nahia ba zi so Ya'ugö. Si lö mo'aetufa nisuna ba nifolakhömi Ndra'ugö, awö Zo,aya ya,aga Yesu Keriso ba Eheha Ni'amoni'ö, Yaduhu. **(Mudadao zato)**

3. MANUNÖ moroi ba Mbuku Zinunö Numero 486

489. NA U' ANGERAGÖ TÖDÖGU

do = d 4/4

MM = 84 - 92

1. Na u' angeragö tödögu, ba zi sandrohu fekoligu.
Amuata nifaluagu, oya ngawalö zi lö faudu.
Fehedegu oi fatuwu. Oya zimöi famaelungu.
No göi u' alani nawögu, a' oi ni' ogorofi Yesu.
2. Ba na ufatoutou tödögu, ba zi sandrohu fa' aurigu.
Lö a' oi utörö zindruhu, ha falimosa ba mbewegu.
Itari so wamakuyu, ba wangalui tana khögu.
He tenga sinösö gölögu, ubali' ö uso dödögu.

4. FOMBASO TAROMA LI LOWALANGI FAMÖRÖGÖ (AF)

: Da tafondrondrongo daroma Li Lowalangi, tehalö moroi ba zura **Sinunö 124:1-8**

1. Na tenga Yehowa mena'ö zi oawögö ya'aga — ya lamanö Iraono Gizeraëli
2. Na tenga Yehowa mena'ö zi oawögö ya'aga, me maoso khöma niha,
3. ba noa sa'ae latölö auri ndra'aga mena'ö, me tesao wönura khöma.
4. Noa sa'ae inönöi mena'ö ndra'aga idanö andrö, ba no itörö mena'ö nosoma idanö sebua andrö.
5. No itörö mena'ö nosoma idanö andrö sebua hokha.
6. Nisuno Yehowa, si lö molulu ya'aga ö mbohara andrö.
7. No aefa nosoma, hulö wofo ba wesu ba zolau fesu wofo; no aetu wesu andrö, ba no aefa ndra'aga.
8. Fangorifima andrö, ba ba döi Yehowa so ia, ba döi Yehowa andrö samazökhi banua si yawa, awö danö.

Simanö daroma Li Lowalangi, da tatema'ö faoma sinunö: BZ.Numero 20:1

BZ. No: 20. MISUNOSUNO ZO'AYA

1. Misunosuno Zo 'aya, mi bè zumange-Nia.
Mi 'ebua 'ö döi-Nia, sotöi banua-Nia.
Me no Ikaoni göi ami, afu mitemawa'auri, khö Yesu, Sangorifi.

5. FANGANDRÖ FANGEFA HORÖ

SA : Ya'ami ira talifusö'

Na tawa'ö lö horöda, ba talimo ita, ba siduhu lö'ö ba dödöda. Na ta'ombakha'ö Horöda, ba lö faröi Ia, ba no satulö Ia,fa'i'efa'ö khöda horö andrö, ihaogö ita, awö wa'iheta fefu zilö atulö. Andrö da möi ita föna Lowalangi si fao fangidengide'ö ba wangombakha horöda, (muzizio ita fefu)

Mangandrö ita :

He Yehowa Lowalangi, si lö ambö fa'abölö, ba si no fahöna fa'omasi. Mafaduhu'ö wa tenga sinangea ndra'aga tanö föna-Mö, me no fahöna höröma si no mafalua i'otarai iraono ndra'aga, he ba wehedema, era'era dödöma, awö gamuatama si lö faudu ba daroma Li-Mö. Andrö möiga khö-U ba wangandrö fa'ahakhö dödö-U, ena'ö Ö'efa'ö khöma höröma andrö si no mafalua, irege sohahau tödö ndra'aga wanohugö fekolima ba zi so fönama si faudu ba zomasi Ndra'ugö. Hakhösi dödö-U khöma Ama, ba be'e aefa khöma höröma andrö ma'afefu, Yaduhu.

SATO : Manunö : BZ. Numero 224 : 1

224. NA'UBINI'Ö HORÖGU KHÖ YESU

- 1. Na'ubini'ö horögu khö Yesu, ba lö usöndra za hono dödögu U'ombakha'ö ngawalö horögu, mo lala dödö.

SA : **Turia Wangefa horö** : “Utayaigö golalöwamö, si mane lawuo, awö horöu, si mane sau. Tema fuli'ö khö-Gu, me no U'orifi ndra'ugö.
LAKHÖMI KHÖ LOWALANGI SI YAWA.....

SATO : Manunö:

450. BA FA'ATULÖ BA GULIDANÖ

- 1. Ba fa 'a tulö ba gulidanö ba niha ni'omasi 'ö andrö
(mudadao zato)

6. FOMBASO TAROMA LI LOWALANGI FÖNA HUHUAO (AB)

- : Da tafondrondrongo daroma Li Lowalangi, tehalö moroi ba zura **I Fetero 2:1-10**
 - 1. Ba mibohöli fefu wa'afaito, awö ngawalö walimosa fefu, awö wamini tödö, awö wa'afökhö dödö, awö ngawalö wamöbögö si lö sökhi, fefu.
 - 2. Hulö ndraono sawena tumbu, omasi ami zusu andrö, si oroi daroma li andrö, si lö si faruka, ena'ö tedou ami, ba khönia andrö, fangorifi,
 - 3. na no mitandra wa'asökhi dödö Zo'aya.
 - 4. Na mi'ondrasi ia, gowe sauri andrö, nitibo'ö niha sa, ba nituyu Lowalangi, sebua böli khönia;
 - 5. ba mibe'e nifa'anö göi ami, gowe sauri, omo Geheha, ba wo'ere ni'amoni'ö ba wame'e sumange ni'a'asogö Geheha, somasi Lowalangi, balazi Yesu Keriso.
 - 6. Me no si mané ba zura: "Hiza, ube'e ba Ziona gowe, toyo ba watalinga, nituyu, sebua böli, ba samati khönia ba tebai aila."
 - 7. Ba fa'ebua döi khömi, ya'ami samati; ba ba zi lö mamati, ba no tobali toyo ba watalinga gowe andrö, nitibo'ö zotomo andrö, no tobali gowe nitendre, ba kara börö wa'ate'ala,
 - 8. manendre ira, me lö la'o'ö daroma li andrö; ba da'ö göi nihonogöi khöra.
 - 9. Ba ya'ami, ba mado nituyu, ere salawa, soi ni'amoni'ö, banua tána khö Lowalangi; ena'ö mituriagö gamuata zogaoni ya'ami, moroi ba zogömigömi, ba hagiania andrö, sahölihöli dödöda.
 - 10. Ya'ami si tenga banua föna, ba si no banua Lowalangi iada'e, si lö muhakhösi tödö föna, ba si no muhakhösi tödö iada'e.

Ya'ahowu zamondrongo taroma li Lowalangi ba same'e ba dödö.

SA+SATO : Yaduhu

7. FAMALUA HALÖWÖ NI'AMONI'Ö FAMAYAGÖ IDANÖ

8. FASÖMBATA

SA : Iada'e tebe'e khöda ginötö ba wolohe fasömbata khö Lowalangi. Ta'osamuzaigö wame'e, he fasömbata si föföna, ba simanö göi zi mendrua awö zi medölu, sifao famasao ame'ela Persembahan Kasih. Ba si föföna ua da tafondrondrongo Li Lowalangi me imane:

- ❖ Same'e sumange fangandrö saohagölö, da'ö zamolakhömi Ya'odo, ba zi lö sinegu ba mbuabuania U'oroma'ö wangorifi andrö khö Lowalangi.

SA : Tafa'ema wasömbata khö Lowalangi, manunö ita moroi ba Mbuku Zinunö
Numero 331

MM = 96 – 104

1. He angi sabölö zamaheu tödö, aetu wanötöna lö fa ' abölö.
Eraï howuhowu Zo' aya Sokhö, fa ' omasi-Nia sahöli dödö.
Howuhowu Zo' aya Sokhö ba oi sahölihöli dödö.
Howuhowu Zo' aya Sokhö, fa ' omasi-Nia sahöli dödö.
2. Hadia so noro samusi tödömö, ma röfa wa' auri ni' onoromö.
Eraï howuhowu Zo' aya Sokhö, sunosuno la si' oroi dödö.
Reff: Howuhowu Zo' aya sokhö
3. Na öfaigi gokhöta niha bö' ö, abölö sökhi niwaö Yesu khömö.
Okhöta ba zorugo lö tebulö, si tebai ni' öli mbuala Zokhö.
Reff: Howuhowu Zo' aya sokhö
4. Fefu noro dödö ba gulidanö, so Yesu Sanolo solului khömö.
Howuhowu-Nia ba wa' aurimö, böi olifu wangandrö saohagölö.
Reff: Howuhowu Zo' aya sokhö
5. Ya' ita fefu si fatalifusö, tasuno Yesu lö mamalömalö.
Me no Itolo ita Irorogö, falukha ita wa' ohahau dödö.
Reff: Howuhowu Zo' aya sokhö

Na no awai la'owuloi/lafa'ema wasömbata, ba owulo tanö furi zangowuloi Fasömbata, lafendrongagö wolohe föna fasömbata, ba la'o'ö gofanöwa note zinunö (irama lagu).Fatua lö möi ira wolohe föna, ba imane Sangai Agendre:)

“Da tafasao wasömbatada andre föna Lowalangi,.....Muzizio ita fefu.....
Manunö ita moroi ba Mbuku Zinunö numero 261

261. YA'E ZUMANGE ¹

Ira'alawe□

1. Ya ' e zumange fasömbata, ma ' ohe sumange Yehowa.
Iramatua
Reff :Ma'andrö khö-U fahowu'ö zumange ni 'ohema khö-Mö
2. Ya'e zumange fasömbata mabe'e soroi ba dödöma.
Reff : Ma'andrö khö-U
3. Ya'e zumange fasömbata buala si'otarai Nama.
Reff : Ma'andrö khö-U
4. Ya'e zumange fasömbata, boto, noso, ba fa'aurima
Reff : Ma'andrö khö-U
5. Ya'e zumange fasömbata, lö irugi zomasi dödö-U.
Reff : Ma'andrö khö-U
6. Ya'e zumange fasömbata, ma'aohasi gölö Zo'aya.
Reff : Ma'andrö khö-U

FANGANDRÖ : *(Fangandrö nidönia'ö fasamösa zangowuloi fasömbata, aefa da'ö ba lafa'ema ba Danga zangai huhuo, itema'ö sangai huhuo awena itou'ö ba dete meza. Ba na so Wasömbata si sambua ni'ofulu, owasa wanaru ma owasavvamasi, btn ba itema'ö sangai huhuo si fäo taroma Li Lowalangi si faudu ba wasömbata ni' owuloi andrö)*

8. KOOR/VOKAL GROUP

- SA :** Da tafaogö dödöda ba wanuno Lowalangi faoma sinunö ni'olohesi:
Koor ba Vokal Group
- a. Koor Jemaat Tuwuna
 - b. Kegiatan Komisi Perempuan
 - c. Kegiatan sektor 2
 - d. Kegiatan Komisi Bapak
 - e.

9. MANUNÖ

- SA :** Da tafa'anö dödöda wamondrondrongo taroma Li Lowalangi, manunö ita moroi
Ba Mbuku Zinunö **numero 163**

163. UHONOGÖ SIBAI DÖDÖGU

1. Uhonogö sibai dödögu ba wamondrondrongo li Mö Yesu Mangalulu ndra'odo föna-U ba gametahö-Mö ia da 'a Öbayoini Eheha-U Yesu dozigö mbanua samati khö-U. Ubokai dödögu khö-U Yesu nahia daroma li-U. Taroma li-Mö lö fa'atebulö menewi ma 'ökhö ba si 'ogötö'ö lö sa mamalö. Taroma li-Mö si möi fangabölö utema 'ö soroi ba dödö, tolo ba wolo'ö.

10. HUHUAO SEBUA

- SH** : Ya'irorogö dödömi, awö gera'erami fa'ohahau dödö andrö, khö Lowalangi, Sabölö moroi ba gera'era niha fefu, ba khö Keriso Yesu. Mangandrö ita.....Yaduhu.
- a. Fombaso taroma Li Lowalangi *II Moze / Keluaran 14:19-31 (Tuho Migu: Ifalua Zahölihöli Dödö ba Mbanua-Nia Yehowa / Tuhan Melakukan Perbuatan Besar Bagi Umat-Nya)*
 - b. Fanuriaigö
 - c. Nitano ba dödö. *Sinunö / Mazmur 124:8 (Fangorifima andrö, ba döi Yehowa so ia, ba döi Yehowa andrö samazökhö banua siyawa, awö danö. / Pertolongan kita dalam nama Tuhan, yang menjadikan langit dan bumi.)*
 - d. Fangandrö Fanga'aro'ö huhuo

SATO : Manunö : BZ. Numero 154 : 1

154. NO MAFONDRONDRONGO LIU ²

1. No mafondrondrongo li-U, Lowalangi So ' aya. Tanö ba dödöma ia, fa böi olifuga. Fahowu 'ö ia khöma, ena ' ö ohahau dödöma fefu. Heta ba dödö zi lö sökhi, ma'o ' ö niwa 'ö-U.

11. TUHO WAMATI

SA : Me no tarongo daroma Li Lowalangi, ba da tafaogö Lida wamaduhu'ö famatida Ya'ita niha Keriso föna Lowalangi, muzizio ita fefu.....endronga lida

- SA+SATO** : ❖ Ya'o mamati khö Lowalangi Ama si lö ambö fa'abölö, somböi banua si yawa awö danö.
- ❖ Ya'o mamati Khö Yesu Keriso, So'aya ya'ita, Ono Lowalangi si ha samösa, nitema nina-Nia Maria khö Geheha Ni'amoni'ö, Ono nono alawe Ia, no manaögö huku Ia, barö mbawa Fondrio Filato, teforöfa Ia, mate,ba lako'o. No möi Ia ba mbanua niha tou, no maoso Ia moroi ba ngai zimate me no irugi tölu ngaluo. No manahae Ia, möi ba zorugo, dumadao ba gambölö Lowalangi Ama si lö ambö fa'abölö. I'otarai da'ö mangawuli Ia dania ba wanguhuku niha sauri, awö zi no mate.
- ❖ Ya'o mamati khö Geheha Ni'amoni'ö, ba ufati ha sambua mbanua ni'amoni'ö, fefu niha Keriso, fa'awösa niha ni'amoni'ö, ba fangefa horö, ba femaoso mboto zimate, ba fa'auri si lö aetu. Yaduhu. (Mudadao zato)

12. ANGOMBAKHATA BA MBANUA NIHA KERISO

13. SA : Da tafondrondrongo gangombakhata:.....

14. MANUNÖ

SA : Manunö ita moroi ba Mbuku Zinunö **numero: 307 ayati 1-2**

307. FONDREGE ZOMASIDO 1

- do = g 4/4
- MM = 88 - 96
- Fondrege zomasido, Keriso So ' aya.
Khö-Nia so wanolo, si ' otarai Nama.
Lö fozu wa ' aurigu, ba lö lualua.
Na lö mo' urakhado, fa ' auri Zo' aya.
 - Börö Keriso Yesu, si möi salahigu.
Wa usöndra wangefa, ba huku horögu.
Fefu niwa' ö-Nia, ufati me duhu.
Wa tebai möi khö Nama, zi lö mendrua tumbu.

15. FANGANDRÖ SALAHI + FAMATENGE + HOWUHOWU

- SH : Muzizio ita fefu, mangandrö ita :.....(tetohugö) : Ba döi Zo'aya ya'aga Yesu Keriso, Si no mamahaö ya'aga ba wangandrö mamane :
- SH + SATO : He Ama khöma siso ba zorugo, ya te'amoni'ö döi-U. Ya tobali banua-U fefu niha, Ya itörö zomasi ndra'ugö, hulö ba zorugo, ya si manö göi ba gulidanö. Öma sirugi ma'ökhö be'e khöma ma'ökhö andre. Ba efa'ö khöma horöma, si mane fangefa'öma sala ba zi so sala khöma. Böi ohe ndra'aga ba wanandraigö, efa'öga ba zi lö sökhi. Me ya'ugö zamatörö banua-U, ba sokhö fa'abölö, awö lakhömi, irugi zi lö aetu. Yaduhu
- SH : FAMATENGE + HOWUHOWU :
Mi'angawuli si fao fa'ohahau dödö, ya tobali ami sura Keriso, samaduhu'ö Ya'la ba Lala wa'aurimi sero ma'ökhö, ba mitema (tatema) howuhowu Lowalangi :
❖ Ya mufahowu'ö ami/ita Lowalangi, Ya murorogö ami/ita
❖ Ya mufohaga mbawa-Nia Khömi/khöda, Ya mu'ebua'ö dödö-Nia khömi/Khöda
❖ Ya mufalemba hörö-Nia khömi/khöda, Ya mube'e wa ohahau dödö khömi/khöda fefu. Yaduhu
- SATO : Manunö BZ.Numero 307 ayati 3

307. FONDREGE ZOMASIDO 1

- do = g 4/4
- MM = 88 - 96
- Ba fa' omuso dödö, khö Yesu a' oi so.
He bongi, he ma' ökhö, Ya' ia nawö fao.
Si lö fabali la, sanolo, samasao.
Ululu wa' aurigu, ba danga Keriso.

- SH : YA'AHOWU
- SATO : YA'AHOWU